

A Tomaschett suonda Bisculm

■ Il cussegl communal da Domat s'ha a chaschun da sia emprima sesida constitui ed elegì la presidenta dal cussegl. Carlo Decurtins (pcd) ha avrì sco president senior la sesida dal cussegl communal da Domat e solidà ultra dal nov commember da la suprastanza communal Armin Tanner (pcd) set novs commembers dal cussegl communal. In solid spezial han survegnì las giuvnas burgais ed ils giuvens burgais ch'eran suandads l'invit sco er il public che ha prendì part cun interess la sesida.

La «pli auta da Domat» commembra da la ps

Las elecziuns en ils differents uffizis e gremis n'èn stadas naginas surpraisas. Unanimamain è vegnida elegida Silvia Bisculm Jörg sco presidenta dal cussegl communal, ella è uschia per l'onn 2013 la «pli auta abitanta da Domat». Ella suonda ad Alois Tomaschett (pcd). Sco nov vicepresidente communal è vegnì elegì Jürg Rodigari (pld), il qual ha uschia las megrlas vistas da pudair surprendre proxim onn quest uffizi d'onur.

Plainamain en maun feminin...

Cumbats electorals per da quests uffizis



Silvia Bisculm Jörg è vegnida elegida unanimamain sco presidenta dal cussegl communal, ella è uschia per l'onn 2013 la «pli auta abitanta da Domat».

FOTOS C. WILLI

d'onur n'hai gia dapi pli ditg betg pli dà ed il turnus vegn mantegnì, era sche la pcd posseda cun otg da 15 sezs la maiori-

ritad assoluta en il nov parlament – trais sezs ha la ps, mintgamaì dus sezs la pld e la pps. Cun la nova presidenta dal cussegl communal Bisculm Jörg (ps) e la presidenta communal en uffizi Beatrice Baselgia è la politica da Domat per uschè dir fermamain en maun feminin. Er en la suprastanza communal cun la presidenta Baselgia, la vicepresidente communal Gabriela Aschwanden (pcd) ed Angela Casanova (pld) regna power feminin.

Festa per ils giuvens burgais bain visitada

Tut in'otra furma da power s'ha manifestada cun la furmaziun «Projekt Horizon». Questa band da Domat, la quala maschaida rock e pop e che ha success cun ses stil crossover, ha impressiunà cun sia musica e cun ses videoclip spectacular

en la sala Tircal. Ina quarantina da giuvenils da la medema annada ha prendì part da la festa per ils giuvens burgais. Apparentamain sveglia questa festa puspè dapli interess. La presidenta communal Baselgia ha prendì il num da la band sco chavazzin per sia allocuziun als giuvens burgais. Alura èsi vegnì surdà als giuvenils da l'annada 1995 il document ch'els sajan u vegnian ussa maiorens ed hajan il dretg da votar.

Per il cussegl novconstituì, en il qual la pcd ha suenter onns l'emprima giada puspè la maiortad assoluta, cumenza ussa la fasa intensiva nua che profil e cumpetenza èn dumandads. Gia il favrer stat sin la glista da tractandas la realisaziun totala da la lescha da scola chantunala. Quella maina cun sai consequenzas substanzialas per la vischnanca da Domat.

Claudio Willi/fa



«Projekt Horizon» che ha success cun ses stil crossover ha impressiunà cun sia musica e cun ses videoclip spectacular en la sala Tircal.